

मार्निंग डोगरी न्यूज़ बुलेटिन, समें. 09-20 Hrs

<><><><><><>

Headlines

- प्रधानमंत्री नरेन्द्र मोदी होरें आखेआ ऐ जे सरकार नोजवानें दिएं आसे—तागें गी पूरा करने ते उंदे सुखने गी मूरत रूप देने च सैहयोग लेई बत्तें दिएं रूकावटें—अड़चने गी दूर करा करदी ऐ।
- उपराज्यपाल मनोज सिन्हा होरें आखेआ जे मतिएं काह्डें दे क्षेत्र च भारत दुनिया दे इक अगुवाह दे रूपै च उभरियै सामने आवा करदा ऐ।
- मुख्यमंत्री उमर अब्दुल्ला होरें घोषणा कीती ऐ जे जम्मू कश्मीर च दरवार मूव आली रिवायत गी परतियै ब्हाल कीता जाग।
- केन्द्री राज्य मंत्री डॉ. जितेन्द्र सिंह होरें आखेआ ऐ जे 2025 तगर भारत दा अपना अंतरिक्ष स्टेशन होग ते 2040 तगर इक भारतीय चन्ने पर उतरी चुके दा होग।
- खेलो इंडिया स्यालू खेड्डां 2025 लद्दाख ते जम्मू कश्मीर च आयोजित कीतियां जांगन।

<><><><><><>

PM Modi

प्रधानमंत्री नरेन्द्र मोदी होरें आखेआ ऐ जे सरकार नोजवानें गी उंदिएं आसें—तागें उत्सुक्ता ते सुखने गी सच्च करने च समर्थन देने लेई बक्ख—बक्ख सुधारें राएं उंदी बत्तै चां दिक्कतें रूकावटें ते अड़चने गी दूर करा करदी ऐ। कल स्मार्ट इंडिया हैखाथान दे ग्रैंड फिनाले दरान युवा इनावेटरें कन्नै गल्ल करदे होई मोदी होरें आचोआ जे अज्जै दा नोजवान मुल्खै दे सामले खड़ी चुनौतिएं दा मकाबला करना ते उंदा हल्ल तुप्पी कड्डने गी अपने जिम्मेवारी समझा करदा ऐ। प्रधानमंत्री होरें आखेआ जे दुनिया दा भविक्ख, ज्ञान ते नमिएं काह्डें पर अधारित ऐ ते भारतीय नोजवान एहदे च प्रमुखता कन्नै योगदान देने लेई तैआर न

<><><><><><>

LG-Youth

उपराज्यपाल मनोज सिन्हा होरें कल स्मार्ट इंडिया हैखाथान 2024 च हिस्सा लै'रदे युवा इनावेटरें गी संबोधत करदे होई आखेआ जे अज्ज भारत नमिएं काह्डे दे क्षेत्र च दुनिया दे अगुवाई दे रूपै च उभरियै सामने आवा करदा ऐ।

ग्रेटर नोयडा दे गैलगोटियास यूनिवर्सिटी च हैखाथान दे हाइवेयर अडिशन गी संबोधत करदे होई उनें भारत सरकार दे नवाचार गी बढ़ावा देने ते इसी हुन उत्सव दे रूपै च मनाने दी सराहना कीती ते आखेआ जे एहदे नै प्रतिभाशाली नोजवानें गी अपने बचार समर्था ते दुनिया दी समस्याएं दे हल तुप्पी कड्डने दी थवीक गी सब्बने सामने रखने दा मौका थ्होंदा ऐ ते उंदा होर बेहतर करने लेई दिल बी बघदा ऐ।

<><><><><><>

SIH-IIT Jammu

स्मार्ट इंडिया हैखाथान 2024 साफ्टवेयर अडिशन दा समापन अज्ज आईआईटी जम्मू च होग। जित्थें दुनिया दी चुनौतिएं दा हल्ल कड्डने लेई युवा उत्थें किट्ठे होआ करदे न। इस मिां पैहले कल द पॉवर ऑफ क्रिएशन, द फाउंडेशन ऑफ इनोवेशन यानि सृजन दी शक्ति, नवाचार दा आधार, थीम उप्पर कार्यक्रम आयोजित कीता गेआ। एह आयोजन साइबर सुरक्षा, राई-बाई, सेहत दिक्खभाल, स्मार्ट सिटी जनेह क्षेत्रें च युवाएं आस्सेआ चलाए जा करदे नवाचार गी बढ़ावा दिंदा ऐ।

<><><><><><>

CM Interaction

मुख्यमंत्री उमर अब्दुल्ला होरें कल घोशणा कीती जे उंदी सरकार दरबार मूव गी ब्हाल करग ते जम्मू दी अपनी पंछान गी घट्ट नेई हिनो दित्ता जाग। मुख्यमंत्री होरें एह गल्ल जम्मू दे सिविल समाज दे सदस्यें कन्नै वजारत रोड पर अपने सरकारी आवास उप्पर व्यापक गल्लबात करदे होई आक्खी। जम्मू कश्मीर दे मुख्यमंत्री दे तौरा पर पदभार संभालने मगरा जम्मू दे सिविल समाज कन्नै एह उंदी पैहली मुलाकात ही। इस आउटरीच सत्र दरान उंदे मंत्रिमंडल दे मंत्री , सिविल ते पुलस प्रशासन दे वरिष्ठ अधिकारी बी मजूद हे। दरवार मूव बारे बोलदे होई मुख्यमंत्री होरें आखेआ जे दरवार मूव दी परंपरा गी ब्हाल करने लेई साढ़ी सरकार प्रतिबद्ध ऐ। मुख्यमंत्री होरें जम्मू दे सैलसफा उद्योग बारे चिंता प्रगट करदे होई आखेआ जे सूरजकुंद मेले दी तर्ज उप्पर इक क्राफ्ट कल्चर मेला स्थापित कीता जाग तां जे इस क्षेत्र दी समृद्ध विरासत गी सेई चाल्ली प्रदर्शित कीता जाई सकै ते सैलसफा गी बी होर बढ़ावा थ्होई सकै।

<><><><><><>

DC Jammu

जम्मू दे डिप्टी कमीशनर सचिन कुमार वैश्य होरें बक्ख-बक्ख सब डिवीलनें च अल्ट्रासाउंड ते इमेजिंग केन्द्रें गी केन्द्र बनाइयै जिला व्यापी निरीक्षण अभियान चलाया। सब डिवीजनल मैजिस्ट्रेट ते होरने वरिष्ठ अफसरें दी अगुवाई च चलाई गेदी इस मुहिम च जम्मू जिले दे बक्ख-बक्ख इलाकें दे तकरीबन 2 दर्जन केन्द्रें गी शसमल कीता गेआ। डीसी होरें इस कनून ते उल्लघन करने आले दे खलाफ जीरो टालरेंस दा रवैया अपनाने लेई आखेआ। इस अभियान दरान जम्मू उत्तर दे 2 केन्द्रें गी 7 सुविधाएं दे निरीक्षण गी दिक्खदे होई पाई गेदी कमी लेई नोटिस जारी कीता गेआ। बक्शीन नगर च इक केन्द्र च इक सुविधा मयाद खत्म होने दे बाद चलदी पाए जाने कारण केन्द्र गी मौके उपपर गै सील करी दित्ता गेआ। होरने सब डिवीजनें च बी अस्सै चाल्ली दे निरीचण कीते गे।

<><><><><><>

RDD Jammu

जम्मू दे ग्रामीण विकास मैहकमे उे निदेशक मोहम्मद मुमताज अली होरें बिलावर दे पीडब्ल्यूडी गैस्ट हाउस च इक बैठक लाइयै जिला कठुआ च ग्रामीण विकास मैहकमे आस्सेआ लागू कीती गेदी बक्ख-बक्ख योजनाएं तैहत विकास कम्में दी प्राप्ति दा जायजा लैता। निदेशक होरें पंचैते साब्वै पीएमएवाईजी, मनरेगा ते यूटी ते जिला कपैक्स जनेह् योजनाएं दी बिलावर, बगन, लोई मल्हार, डिग्गन, मांडली ते गुज्जरो नगरोंटा दे ब्लाकें च समीक्षा कीती।

<><><><><><>

Dr. Jatinder Singh

साईंस ते टेक्नालोजी राज्य मंत्री डॉ. जितेन्द्र सिंह होरें आखेआ ऐ जे 2035 तगर भारत दा अपना “भारत अंतरिक्ष स्टेशन” होग ते 2040 तगर इक भारतीय चन्नै पर उतरी गेदा होग। नमीं दिल्ली च इक प्रेस कांफ्रेंस गी संबोधत करदे होई उनें एह गल्ल आक्खी। एह प्रेस कांफ्रेंस सब्बने विज्ञान मंत्रालयें दिएं उपलब्धिएं दे बारे च जानकारी सांझी करने लेई सद्दी गेदी ही। डॉ. सिंह होरें आखेआ जे सरकार आस्सेआ आंदे गेदे अंतरिक्ष सुधारें इस क्षेत्र च केई संभापना पैदा करियै नमें नमें रस्ते खल्ले न। उनें आखेआ जे अजें तोड़ी भारत थमां 43 विदेशी उपग्रैहें दा प्रक्षेपण कीता जाई चुके दा ऐ ते अजें तोड़ी दे उपग्रैह प्रक्षेवणें च 90 प्रतिशत पिछले 10एं बरें च कीते गे न।

<><><><><><>

DC Udhampur

उधमपुर दिऐं जिला विकास कमीशनर सलोनी राय हुंदे मार्गदर्शन हेठ जिला चाइल्ड हैल्पलाइन आस्सेआ जिले दे सरकारी स्कूलें च केई कार्यक्रमें दा आयोजन कीता गेआ जिंदा मकसद विद्यार्थिएं ते होरने लोकें च बच्चे दे अधिकारें ते चाइल्ड हैल्पलाइन 1098 दे बारे च जागरूकता पैदा करना हा तां जे ओ एह्दे शा फायदा चुक्कन ते कोई बी बच्चा शोषण दा शकार नेई होए ते अपने अधिकारें कोला महरूम नेई रेही जा। इनें कार्यक्रमें दरान बच्चे कोला मजूरी कराने, लौह्की उमरीच ब्याह्, उंदा समाजी शारीरिक ते मानसिक शोषण ते इस चाल्ली दिऐं बुराइऐं ते चुनौतिऐं दे बारे च बी जागरूक कीता गेआ। उनेंगी दस्सेआ गेआ जे कुसै बी व्यक्ति आस्सेआ उंदे कन्नै माड़े बवहार, उंदे अधिकारें दी अनदिक्खी ते कुसै चाल्ली दी बी मसीबत जा आक्खी घड़ी दरान ओ हैल्पलाइन नंबर 1098 पर संपर्क करी सकदे न।

<><><><><><>

Khelo India Winter Games

2025 ब'रे दियां खेलो इंडिया स्यालू खेड्डां दऊं बक्ख-बक्ख गेडें च लद्दाख ते जम्मू कश्मीर च कराइयां जांगन। लद्दाख 23 कोला लेइयै 27 जनवरी तगर आइस स्कींग ते आइस हॉकी जनेए बर्फू पर खेड्डे जाने आले आयोजनें दी मेजबानी करोग जिसलै जे 22 कोला 25 फरवरी तगर जम्मू कश्मीर च एलपाइन स्कींग, नार्डिक स्कींग, स्की माउन्टेनरिंग, स्नोबोर्डिंग जनेए खेड्डें दा सरिस्ता कीता जाग। केन्द्री खेड्ड मंत्री डॉ. मनसुख मांडविया होरें इनें औंदे आयोजनें गी लेइयै खुशी ते उत्साह प्रगट कीता ते 2026 ब'रे च होने आले स्यालू ओलंपिक्स लेई अपने खडारी तालने च इनें आयोजनें दे महत्व गी उजागर कीता। उनें आखेआ जे खेलो इंडिया स्यालू खेड्डें दा मकसद गै बड्डे ते अंतर्राष्ट्रीय सतह मकाबले लेई खडारिएं दी पंछान ते ताल करना ऐ। स्यालू खेड्डें दा आयोजन लद्दाख च दूई बारी होने जा'रदा ऐ। 2024 दिऐं खेलो इंडिया स्यालू खेड्डें कोला पैहले सारे आयोजनें दी मेजबानी जम्मू कश्मीर गै करदा हा।

<><><><><><>

DC Kishtwar

किश्तवाड़ दे डिप्टी कमीशनर राजेश कुमार शवन होरें कल जिले दे वरिष्ठ नागरिकें दी इक बैठक कीती ततां जे जरूरी गल्लें ते विकास सरबन्धी जरूरतें उप्पर बचार कीता जा। डीसी दफ्तर च आयोजित इस बैठक च वरिष्ठ नागरिकें दी खासी भागीदारी दिक्खने च लब्धी। इस बैठक दरान वरिष्ठ नागरिकें बक्ख-बक्ख मुद्दे गी चुक्केआ ते तुरत इनें गी हल करने दी मंग कीती।

इस बैठक च समूह आस्सेआ समाज रु बधदी नशाखोरी उप्पर मती चिंता जताई ते इसी रोकने लेई असरदार उपाह करने लेई बी आखेआ। डीसी होरें उंदी गल्लबात बड़े धरोइयै सुनी ते इनें मुद्दे गी समें सीमा अंदर पूरा करने लेई प्रतिबद्धता जाहर कीती।

<><><><><><>